



Australian Government



Work Experience: Green Corps

Ang Green Corps (Grupong Pangkapaligiran) ay makatutulong sa iyo na maisakatuparan ang mga gawaing may pakinabang sa likas na kapaligiran at pangkulturang pamana ng Australia. Ang Green Corps ay tumutulong na mapangalagaan, mapanatili at maipanumbalik ang kapaligiran ng Australia habang nagbibigay sa iyo ng mga pagkakataon upang madagdagan ang iyong mga kasanayan.

Ang mga Gawaing Green Corps ay itinaguyod ng mga organisasyong hindi-para-kumita o mga organisasyon o ahensyang lokal, pang-estado o pangteritoryo ng Pamahalaang Australia.

Ang Green Corps ay pinalawak sa ilalim ng Job Services Australia (Mga Serbisyong Pantrabaho ng Australia) at maaari nang aplayan ng mga naghahanap ng trabaho anuman ang edad.

Ang pagpupuwesto sa Green Corps ay maaaring magkakasama ang pangkat sa isang gawain panggrupo kasama ang iba pang naghahanap ng trabaho, o isang pang-individuwal na pagpupuwesto sa isang punong abalang organisasyon (katulad ng grupong pangkomunidad a pangkawanggawa).

Ang mga Gawaing Green Corps ay magkakaiba, ngunit bilang isang naghahanap ng trabaho ikaw ay maaaring lumahok sa isang hanay ng mga gawain kabilang ang:

- pagsisiyasat at pagkokolekta ng mga datos ukol sa lupa, tubig at buhay sa kagubatan bilang kontribusyon sa pananaliksik at pagsubaybay sa kapaligiran
- paghahardin at pagpapaganda ng mga hardin, pag-aaral tungkol sa mga halaman at pakikilahok sa mga gawaing nauukol sa muling pagtatanim
- pag-aaral tungkol sa pamamahala ng mga likas na yaman at naipagpapatuloy na paggamit ng mga ito
- pagbibigay kontribusyon sa lokal na mga estratehiyang pangkapaligiran, pagpapanumbalik ng pangkulturang pamana at pagpapalano ng mga Gawaing nauukol sa Green Corps
- pagkontrol ng access, pagpapatubong-muli ng mga halaman sa kagubatan, pangangalaga at pagpapanumbalik ng mga pinamamahayan ng mga halaman at hayop, pagkontrol sa mga sukal na damo sa kapaligiran at paggawa at pagpapanumbalik ng mga daanang nilalakaran
- pagbibigay kontribusyon sa edukasyong pangkomunidad at pagpapalaganap ng kaalaman
- pagtugon sa mga epekto ng pagbabago ng klima.

Ang mga Gawaing Green Corps ay maaari ding gumana sa pagkakasama-sama ng mga programa sa ilalim ng inisyatibang *Caring for our Country* (Pangangalaga sa ating Bansa) ng Pamahalaang Australia.

Ang hanay ng mga gawain na maaaring makuha ay magkakaiba sa bawat tagapagbigay-serbisyo ng Job Services Australia at maaaring kabilang ang mas maraming mapagpipilian kaysa sa mga nakalista sa itaas.

Kailangang tiyakin ng mga tagapagbigay-serbisyo ng Job Services Australia na ang mga Gawaing Green Corps ay:

- gumugugol ng hindi bababa sa 80 porsiyento ng kabuuang oras ng gawain para sa gawaing pangkapaligiran
- nag-aalok ng may istrukturang pagsasanay sa kalahok na mga naghahanap ng trabaho kung saan naangkop at maaaring makuha
- nagbibigay ng nauugnay na pagsasanay para sa *first aid* o kalusugan at kaligtasang pantrabaho.

Sino ang maaring lumahok?

Kung ikaw ay rehistrado sa isang tagapagbigay-serbisyo ng Job Services Australia maaari kang magboluntaryo upang makilahok sa Green Corps anumang oras, kung ikaw at ang iyong tagapagbigay-serbisyo ay magkasundo na ito ay makatutulong sa iyo.

Bilang dagdag, kung ikaw ay isang naghahanap ng trabaho na may Work Experience Activity Requirement (Pangangailangan para sa Gawaing nauukol sa Karanasang Pantrabaho), matutugunan mo ang pangangailangang ito sa pamamagitan ng pakikilahok sa Green Corps.

Kung ikaw ay isang naghahanap ng trabaho na kailangang magkumpleto ng Intensive Activity (Masinsinang Gawain) maaari mo itong magawa sa pamamagitan ng pakikilahok sa Green Corps. Aabisuhan ka ng iyong tagapagbigay-serbisyo ng Job Services Australia kung ikaw ay kinakailangang magkumpleto ng Intensive Activity.

Kung ikaw ay isang naghahanap ng trabaho na tumatanggap ng suporta sa kinikita at lalahok sa Green Corps, ikaw ay magiging karapat-dapat para sa karagdagan bayad na \$20.80 tuwing ikalawang linggo upang makatulong sa iyong mga gastos sa pakikilahok.

Paano mag-aplay

Kung ikaw ay interesadong lumahok sa Green Corps dapat mo itong talakayin sa iyong tagapagbigay-serbisyo ng Job Services Australia.

Ang iyong mga pananagutan

Kung ikaw ay tumatanggap ng Newstart, Youth Allowance (Panustos para sa Kabataan) o Parenting Payment (Kabarayan sa Pagiging Magulang) na may kinakailangang pakikilahok, kakailanganin mong maghanap ng trabaho at makilahok sa mga gawaing makatutulong sa iyo na makakuha ng trabaho.

Isasaalang-alang ng iyong tagapagbigay-serbisyo ng Job Services Australia ang iyong personal na kalagayan at makikipagkasundo para sa naaangkop na mga gawaing isasama sa iyong Employment Pathway Plan (Plano para sa Pagkakaroon ng Trabaho).

Kung hindi mo kayang makilahok sa mga gawain, dapat mo itong talakayin sa iyong tagapagbigay-serbisyo. Kung ikaw ay nabigong tumupad sa iyong napagkasunduang mga gawain, maaaring makaapekto ito sa iyong mga kabayang suporta sa kinikita.

Ang iyong karapatan sa pagiging pribado

Ang iyong personal na impormasyon ay protektado ng *Batas sa Pagiging Pribado 1988 (Privacy Act 1988)* at ang impormasyon tungkol sa iyo ay maaari ding maging protektado ng *Batas ng Social Security (Pang-administrasyon) 1999 (Social Security (Administration) Act 1999)* (gaya halimbawa, kung ikaw ay tumatanggap ng suporta sa kita). Ang iyong impormasyon ay maaaring ibahagi sa pagitan ng mga tagapagbigay-serbisyo ng Job Services Australia, ng Department of Education, Employment and Workplace Relations (DEEWR), Centrelink at iba pang mga kagawaran at kawanihan ng Pamahalaang Australia, na nagbibigay-daan upang ang mga organisasyon ay makapagbigay sa iyo sa pinakaangkop na mga serbisyo upang matugunan ang iyong mga pangangailangan.

Para sa karagdagang impormasyon tungkol sa iyong pagiging pribado magtanong sa iyong tagapagbigay-serbisyo ng Job Services Australia, DEEWR o bisitahin ang privacy.gov.au.

Ang aming garantiya ng serbisyo para sa iyo

Garantiya ng Serbisyo

Ikaw ay patuloy na tatanggap ng personal na mga serbisyong pantrabaho na hatid ng iyong tagapagbigay-serbisyo ng Job Services Australia. Ang mga serbisyong ito ay naaangkop sa iyong mga kalagayan at pinagmulan. Upang makita ang lahat ng mga Garantiya ng Serbisyo bisitahin ang deewr.gov.au/jobservicesaustralia.

Mga Alituntunin ng Panunungkulan

Ang mga tagapagbigay-serbisyo ng Job Services Australia ay kinontrata upang maghatid ng mga serbisyong pantrabaho na pinondohan ng Pamahalaang Australia at sumang-ayon at nakalaang tumupad sa Mga Alituntunin ng Panunungkulan ng mga Serbisyong Pantrabaho (Employment Services Code of Practice). Upang makita ang Mga Alituntunin ng Panunungkulan bisitahin ang deewr.gov.au/jobservicesaustralia.

Para sa karagdagang impormasyon

Tumawag sa 13 17 64 o bisitahin ang deewr.gov.au/jobservicesaustralia.